

本堂先生文集

陳勸題籤



09680

本堂先生文集卷之六

詩七言絕句五十四首

外孫黃相兒求寫送春三首并示

孟成



相兒一揖笑嬉嬉要寫醅醱架下詩留取他年時展看
外家風景有當時

招弟輩飲次韻

淺量能消酒幾杯爭如俗子厭人來明朝定到梅山下
不管梅花開未開

王得淦招飲席上二首

親戚疏疏已曉星杯中滴滴是真情近來此酒誰家有

本堂文集卷六

一

除卻旗亭無笑聲

太史應須奏德星老夫相與證高情杯盤楚楚饒詩興
寫出人閒淡處聲

黃相兒求詩

相兒執筆請翁書要受持從入學初我有至言兒聽取
心宜莊敬氣宜舒

戴仲倫求詩

來翁攤紙要求詩猶勝兒童弱弄嬉參得純公行樂意
傍花隨柳待他時

次韻兒瀾六月十二日登東院嶺

欲壽吾前酒一行走三百里火雲程熱時卻有寒時節
汝母梅花臘底生

次兒泌韻

泌先生少子字汝泉

門外風塵付一吁何妨稼圃學樊須由由本自人難挽
皎皎奚憂我易污

姪孫渠獻醉鰈以一絕復之

年來只識釜中魚出海修鱗夢也無寶鰈帶糟俄入眼
兒童驚動哄寒廚

答青醫王東林求口

我抱東林未見心諸賢詩上見東林兩瞳不覺鍼鋒到

本堂文集卷六

一瞬清風掃宿陰

送林方叔

名庭玉

赴范氏館

家食城南擅獨賢夜占奎壁半移躔東風絳帳渾閒事
先世青氈是宿緣

次韻張君壽來見二首

名希崖

萬錯生於一動閒老夫不是不知還春風百里回頭處
莫怪移文到北山
大學門庭不易登參前新意逐時生須教一敬存神舍
莫是多吟費管城

醉中示梅山第二首

夜鏡曾醉藕花涼
筍擔歸來雨亦香
閒裏不妨長聚首
人生能得幾斜陽

兩山合秀水流中
茅屋相忘松竹叢
時節往來容易事
茶湯艾酒一家風

謝紹興石梅癯名正遺本堂二篆書

飛下雲閒玉筍書
忽如夢覺掛梅癯
古來髓脈今誰識
稱得山中老餓夫

九月一日戴時可酒邊名實

老夫不是不知時
黃菊芙蓉正要詩
誰信多魔兒女病
催租風雨又攢眉

本堂文集卷六

三

次前韻

不知今日是何時
只管飛毫醉夢詩
天地本來寬著我
可管寒餓一低眉

次韻女沈九日坐病與泌詩

翻海誰能實漏卮
世情分數逐時支
三年兩滿何須計
父子初心要自知

次韻汪英春九日酒邊

有客相過風雨秋
唾飛珠玉勝珍羞
但知女似謝道蘊
不道吾爲馬少游

次韻東平趙益三首

其一 龍松

修鱗化作偃松寒數百年閒一夢看何似起來雲擁去
爲天行雨萬民歡

其二 鳳花

翠紅翼翼寶坊閒曾入瑤宮白玉闌飛上朝陽瑞天下
靈根變化本無難

其三 塔亭

野迴山空風撼鐸孤墳寂寂春光薄誰問布袋事有無
水自東流日西落

小兒快活吟第三筆示諸兒

本堂文集卷八

四

小兒求我第三筆醉中言語不擇出老懷空空無他腸
汝祖心事須當畢

復越悟本寺主僧文蔚惠丹劑

師歸古越老梅根我住小丹山下邨贈我金丹知有意
要生羽翼到雲門

次韻雪竇寺主僧炳同

號小野

招遊山二首

萬葉逢秋又纈斑珠林錦鏡好追攀人生行樂非容易
本是閒人也未閒

飛下吟箋墨妙斑空拳難對敵家攀官分半榻清風況
翻怪詩來撓聒閒

次前韻二首似前育王寺主僧如日
見說東巖弄一斑萬人表立許誰攀
笑相逢處行雲住
誰主誰賓相對閒
桂漸吹香菊漸斑
西風送步得高攀
天開圖畫著二老
我亦何妨一笑閒

上巳酒邊卽事示女冲二首
人於今日佳節去
女冲踏露折棠花
引得兒童哄一家
說道今朝修禊日
暫拋鍼綫答年華

年華浮動酒中心
笑向吾前滿滿斟
猶喜家貧詩禮在
一杯真率勝山陰

本堂文集卷六

五

題思遠行業碑

虎溪雖小深似海
截斷英雄富貴塵
卻爲淵明過溪笑
方知心自有高人

寄題剡竺貫之書堂

一片心田種善根
繁爲枝葉有兒孫
人從今日封培去
百世金庭好石門

贈茅意山主簿

旅鎖傾城慰寂寥
詩篇到眼見賢勞
三年鸞鳳風聲好
萬里驂駟地步高

次韻邑宰徐何謙
名文
道中詠風雨中聞藕花香

眼空塵世粉紅嬌看了濂溪興自饒風雨中閒曾著句
滿身身到慶登橋

次前人爲余置酒邑廳見示

公事無多白日閒笑談風月傲方千馬鞍雖少難供賦
突兀南山翠撲鞍

次前人似任叔實

名士林
號松鄉

字字眞眞幻幻心講氈須體美中箴分明示我豬龍訓
翦刷成他鸞鵲襟

丁丑五月六日釀飲茂林偶成

夾路松杉護午陰南風吹透樹中心一聲婆餅焦何處

本堂文集卷六

六

妙法蓮花此妙音

答法椿長老口占

牀前何必問云何霜頂誰將手自磨可是法身真有病
皺眉頭處爲人多

似僧一甯號一山

邂逅交情雲水閒茶甌香鼎話清閒他年燕坐千峰上
認取一山山外山

似僧耕野雲

浮雲一片出天涯南北東西總是家飛到五山山絕頂

風雷變化雨河沙

次韻僧雲岫見寄

憶昔宮花壓帽簷如今野褐替朝衫邯鄲夢覺身猶在
安得寒山喝破巖只指寒山自賦詩謝謝冰不盡
到西山懷趙景文

曉日南窗一煖烘采薇人去與誰同人生畢竟皆如此
休怪浮圖只說空謝靈運雲霞百嶽殊巖知西隱人不見
次韻椿長老惠蓮花扇

蓮花法界走輿臺兩扇香風爲我開藜藿皮毛消不盡
若爲回向我如來謝靈運雲霞百嶽殊巖知西隱人不見

代弟萇詠梅畫十景

本堂文集卷六

七

其一先春

纔得江南第一春竹籬茅舍便精神百花頭上無相識
只有東風是故人謝靈運雲霞百嶽殊巖知西隱人不見

其二古枝

分甘冷落傍朱門傲雪欺霜百歲根惆悵西湖人不見
暗香依舊月黃昏謝靈運雲霞百嶽殊巖知西隱人不見

其三宜月

斜斜瘦影兩三枝只許寒窗人自知猶恨嫦娥收不盡
卻歸羌管曲中吹謝靈運雲霞百嶽殊巖知西隱人不見

其四臥煙

生香自恨玉爲容誰放晨光淺碧籠隱約風標難畫處
邯鄲人在夢炊中萬珠千紫豈可吟量雖不入僧人口
其五依松

處子從來不世妝老蒼相對本相忘猶嫌曾受秦封污
冷笑無言只自香
其六依竹

香在溪頭古晉林瀟瀟風雨慣曾禁休尋白玉堂前夢
自有此君知此心
其七雪裏

天花包盡世閒羞也到孤山老樹頭寄語東風爲吹拂
本來面目自風流

本堂文集卷六

八

其八風前

打頭二十四番信吹透天香雪裏枝總被詩人收拾去
封姨正自未能知
其九飛花

獨占初春早卸芳冑隨桃李炫儂妝如今不到壽陽額
自做孤村流水香
其十結實

碧實圓成重壓枝萬紅千紫竟何知是雖不入甜人口
畱得青酸有用時

本堂先生文集卷之七

詩 五言律四十二首

到倪菴

聯袂西菴去行清不厭深
蘭芳泛幽谷松翠引長林
石路傍山發澗源何處尋
歸途無所有時聽一猿吟

入城似吳竹溪

投眠方丈室爲趁午潮差
父執子愛我客身心是家夜

牀安紙帳曉枕夢梅花
早作臨溪別此情天共涯

過崎山

曉過崎山下溪清水見沙
石根交虎豹樹影亂龍蛇
黃

本堂文集卷七

一

竹藏丹渚青帘賣酒家
扣舷汀鷺起撇撇帶西斜

江口偶成

出門何所適欲見邵雲臺
天氣晴相送灘舟小易推坐

恬時掬水吟苦恰口梅舟子遙相問
江潮來未來

西渡堰呈孫古巖朝奉

行計又恩恩投西一短篷
上河平岸水暮雨打頭風得

飯已昏後無眠到夜中
哦詩欠佳句爲報古巖翁

泊丈亭

丈亭亭下浦艤棹又終朝
船聚市聲雜風生江氣驕茲

行未百里已涉第三潮
去住向誰問鷺飛雲影飄

同袁通判遊越中三首名
璟

禹廟

舟行可十里上岸卽山林曲徑抱深意怪松傳古音平
生能幾到好處欲窮尋春鳥一聲處鄉關又上心

鴻禧觀

停舟過橋去兩岸綠垂楊遶屋水爲界入門花滿廊如
今爲道觀聞昔是書堂此意與誰說春風湖渺茫

趙節使稽山門外花園

前賢眼力到占得此名區荒徑百年樹虛堂三面湖簷
陰來釣艇花外起晴晷借問園中叟主人曾到無

示內

本堂文集卷七

二

婚娶不在早在此兩相宜豈得人無婦能如子者誰科
名圖我取家務以身支要見看承處頽然白髮時

呈月窗兄

頗有愛山心山人交未深不知迴俗駕依舊入儒林樂
處外何有故書中可尋漁蓑歸得晚風雨伴吾吟

張敬之縣尉名
欽

仙棹發秋灣稽山到不難要將培遠業便答自初官秦
望一峰峭賀湖千頃寬用心行已處時向此中看

公棠溪次待舅氏竺九成舟偶成

駐馬古溪頭期舟不見舟未知來否的難決坐行謀灘
遠寬飛鷺波平穩泛鷗功名在何處到此兩悠悠

晴行

久晴常欲厭默裏卻宜晴溪瘖容魚穴風恬安雁程空
山巖出相老樹葉生聲此景吟不盡明朝重細評

柏溪巖頭

晴色上遊筇西行二里中薺花黃纈地麥穗白潮風紙
杵鳴山屋齋鐘出梵宮歸途須傍早要折石巖紅

遊永固院

晴行不自覺又入此山來失笑谷聲應坐迎僧戶開簷

本堂文集卷七

三

風數行竹窗日一枝梅歸策休催發得閒能幾回

遊慈雲

微吟歡信步不覺到禪關植杖苔痕上敲門竹影閒樹
高風韻葉人靜鳥呼山安得長畱此分僧一半閒

秋晚新晴

杖屨訪郊晴秋光潑眼明溪痕經水沒山面撥雲呈霞
影收虹影礎聲急雁聲芙蓉花在否滑路倩人行

秋夜偶成

小築塵囂外清標秋氣中荻花渾妒月梧葉已嫌風釣
箔驚簷馬箭燈覓候蟲困來還倚竹此意有誰同

次前韻與舅氏竺九成求芋

何處蹲鴟美雲南一望中角巾臨晚歲拙語寄西風喜
報無乾鵲緘回斬篆蟲還詩元有例盍與昔人同

次韻徐直翁仙霞嶺近衢州

名清叟

道大誰能用功名一念微釋然文石夢輕似岫雲歸霞
嶺空重歷天書的又飛翻身鳳池去分闈卻成非

次韻童尙質書懷三首

夜室清如許槃鐙便且明哦詩鬢已斷看劍氣難平露
戶浸孤月江城知幾更枕書俄作夢夢覺骨毛輕

地偏人迹悄月到小窗明鼓瑟希曾點觀書慨屈平物

本堂文集卷七

四

情閒裏見世事夢中更不著黃梁枕虛名已自輕
夜寂氣如洗心閒理自明凝香清夢寐讀易悟生平月

樹烏驚曉雲階鶴報更閉門佳致意名利一毛輕

寄貝勉齋馮桂坡

道誼不今古世情空淺深共君聯夜話慰我一生心對
酒清鐙影分襟細雨陰天南豈無雁時得寄書音

嘉興道中

此來知幾番此景孰能言有堰留河水無山礙稻邨船
收菱入市家植桂當門風物有如此誰招二陸魂

六里橋

拒霜紅蓼叢兩岸遞迎逢風雨日易夜江湖秋似冬縱
觀心浩蕩無事夢從容不問程途遠詩情節節濃

因有詩
四安縣道中望一山最尖青問轎夫云是饅頭山

眼前山忽好他處特紛紛四下正鋪野一尖高入雲乾
坤分外闊江浙此閒分我欲更邨號尊爲卓秀君

到四安

兩中行數日今日得新晴山到浙閒秀船從海上行市
腥逢海錯人語帶京聲此去總佳景坡仙曾細評

長兒吉初生日以四十字示之

本堂文集卷七

五

吾年五十五汝生方九年雖知得子晚亦擬壽家傳立
己要莊重存心無躁偏人皆可向上從否勿歸天

康節云我

願願汝爲大賢未知天意肯從否蓋
康節喜言數故爲此說然非致論也

唵縣勸農途中示同寮二首

連朝風或雨今日卻霜晴簇翠麥苗起纈斑麻甲生雞
邨炊色軟牛隴種痕平此意與誰共老農歡笑聲
老農歡笑聲三十里春程笳鼓斷還續杯盤坐又行誰
云償縣債正好看民情歸去不妨晚出山溪月明

剡中明心寺

塵勞一笑非忽此坐多時當谷寺如井滿山泉可池林

暄蟬噪早沙冷筍生遲又見老僧說此中蘭最奇

剡縣次韻石瑤林帥幹春宴

歲君初領事豹尾簇黃幡雪喜三番白春纔幾日班市
盤妝榮活宮勝壓花繁便覺東風轉四山浮翠環

解剡回家過陳公嶺

漫仕當閒遊歸程更自畱嶺高雲送脚路險石垂頭家
近聽鄉語山分認水流溪橋聊小憩雙鷺去悠悠

山家卽事

小築山之下林泉景自成閒花隨付分啼鳥本無情日
暮嶺雲合雨餘溪水清相逢是樵客堪與話平生

山居避難六首

本堂文集卷七

六

三十六風輪消磨萬古人軍興山勝市歲歎富齊貧破
絮身饒垢乾糧舌費津吾生不足問世事入長輦

并刀越砥磨天奈北風何到處聞流杵何時報止戈逃
藏愁木柵淪落泣毳窩多少巖阿□眞成病伏波

宦遊二十載時異卽東還勇棄斗升給本無分寸攀家
貧空婦巧學廢重時頑平世已無況況巢松竹關

患難合扶攜臨危路各迷傳聞妻奔北邂逅子隨西心
悼驚雷燕身寒立雨雞明朝問家事空壁雪風淒

避地託山翁歸心亦欲東西邨明騎火北渡撼兵風抖

撒塵衣黑摩挲淚眼紅何如且深隱苟活老光鴻
人生有如夢世變亦浮漚無有悟雙遣窮通歸四休終
期風日美不見雪霜愁此意因相諭聊寬無益憂



本堂文集卷七

七

本堂先生文集卷之七終

本堂先生文集卷之八

詩 五言律三十七首 遵舊校出五言古七首

倪峯避難

衰年踏險行五賊太無情
落葉滑霜路空山生夜聲
相攜德耀隱幾喪卜商明
歸計未爲是時時心自驚

山家卽事

逃難走山巔如何要順便
食艱蔬勝肉衣薄炭輪綿
深靜初心見高虛遠日鮮
沈思亦自好寫景欠龍眠

雨後雪

深山雨易雪片大不成花
翁媪熱摩面兒童寒戰牙
如

本堂文集卷八

居峩頂寺休問洛陽花
宜麥今雖兆明年事未涯

雪復晴

冬來多是兩日日望雲
回飄灑不成雪連綿如入梅
高風吹日上短景爲山催
那問歸家事牀頭有宿醅

似范景山

名湘字曉村

我輩豈池蛟飛騰此一交
天門驚路梗冰港笑舟膠
甘甚新薇蕨依然故草茅
從今門外事洗耳學由巢

還家得驚報復回避所

北馬又經山傳聞頃刻閒
山將身坐斷家有夢飛還吞
哭自憐甫忍飢誰念顏眞成
傷箭鳥翼翼怕虛鸞

夜宿倪菴坐雨二首

一自入菴來，悠然百念灰。松風晴後雨，澗水靜中雷。鄰
戶祈蠶母，樵翁挾雉媒。若無山外事，何必過天台。
連朝雲靄靄，一夜雨颼颼。漲霧黑天曉，洗山黃澗流。潤
深麻長骨，溼重麥垂頭。春水可農事，只愁兵未休。

杜工部詩有送弟觀歸藍田迎新婦二首，偶與縣尉弟達觀同名，娶事又同，因韻戲示。

墨龜初卜食青鳥，好音回冰玉。皆前契風波，任外來重
因。藍袖舞輕放，赤城開此事。關宗事終須飲醪杯。

扇手笑終在，琴心曲暗留。相期星戶夕，莫負月娥秋。金
瀨遲揚旆，藍橋趣問舟。定將先入夢，驂鳳遶簫樓。

本堂文集卷八

二

次韻張子華見寄

老矣息林邱，平生不徑由。知心時一見，安分別無求。寒
臥死中活，榮華樂處憂。世閒何限事，曾看過雲不。

三月晦日同弟觀姪津往寶幢哭刑部伯求弟道
從茅山泊東林寺弟觀有詩三首，因次韻。

投憩得幽寺，便忘行路遙。竹邊流水過，門外好山朝。金
相已流土，海音無復潮。池簷立良久，老衲忽相邀。

右東林寺

劫火不飛處，便如仙洞源。載秧交野艇，賣筍到僧門。潮

水河分港南風雨暗村家山百里外回首已黃昏

右寺前卽事

山泉今已矣開落夢中花欲哭青松墓卻畱黃檗家眼
花飛作練心事苦如茶造物故相阻兩陰殊未涯

右坐雨

次韻延慶僧惟巧山見贈

巧山元不巧此處不容傳意到頭撞壁吟香口有蓮江
山皆逆旅風月獨知賢世事如何說相看一笑邊

次韻西山寺主僧清月

高占古松閒塵埃笑卻還禪機參翠竹詩價重青山長

本堂文集卷八

三

與雲分榻時從鶴出關誰云寺門小窮處足清閒

俞蓀墅

名雷字叔可

示以雜興四首乃用危驪塘所次

唐子西韻因次韻

小小山前屋深深竹裏門艱關諳世夢寬綽養天根趣
涉詩書圃名歸耕釣邨日長無一事笑諾子孫繁

羨君培早學人十已千之燕雀誰知我蛟龍自有時文
場魁眾後計幕主相知天地如長泰功名何可涯

乾坤今似許焮禍自非材危活矛頭米驚愁笛裏梅世
方淫佛老誰何問參回太息復太息吾徒何以哉

人生無足處知足是良方自種蓀成墅時同雲出鄉江

湖殘夢杳山谷本心長回首門前事風潮戰石塘
平平聊送目咄咄不書空靜見蝸爭國窮知馬福翁逢
人無眼白耐是得顏紅如此閒光景何須到弱蓬
學得無名氏遊於何有鄉熟眠勝醉酒清慮當茨香富
有書連架貧無盜伏梁只應詩社友時節到門牆
世運空更禪人情任覆翻浮榮歸墮飯眞味寄汗尊見
客不問事學農時踏邨興公舊遊處長嘯一招魂

我才雖不武縱靶洛陽橋本是士行志非因貧折腰天
風吹劫火國事付回潮待盡山深處汗顏猿鶴邀

道路塵方暗田園事豈差營巢難老鶴謀啄拙飢鴉時

本堂文集卷八

四

有詩題壁多因病在家學仙非骨相枉是住丹霞

詩卷勞相寄吟高欲和難澹情如水接秀句共霞餐妄
奏蛙聲樂叨盟馬血盤豈能無牴觸一笑幸吾寬

次韻史芝厓

名賀孫

浮生眞夢幻看破已頻頻花柳春心古乾坤世事新爭
芳多煖處感舊獨幽人寶重復珍重清風明月身

次韻石秀叔

名大震

揮手世閒塵忘言晉與秦溪山能住客風雨始知人澹
澹秋光趣悠悠野鶴身相聞願相見倦腳走雙輪

次韻齡叟見寄

方外好交情詩筒出醉屏清能濯驕暑光欲掩常星自
愧薄榆景有生真草亭多年祇多感岌岌舊門庭

崇福寺大用堂乃魏文節祠舊有半牀雲一窗月
在兩掖取舒嬾堂詩中語也主僧澤南洲撤兩掖
尊大用堂而新之魏東齋有詩因次韻

魯公香火寺便道幾經行樹老存高節碑全見太平洋
雲從變化古月自分明賴有文孫在毋忘大用名

謝趙菊泉來會於范曉邨家

虎林唐姥嶺牛淖范公亭不是義高古誰能行戴星開
尊春酒赤對榻夜鐙青說到閒關處令人心有銘

用前韻呈曉邨

本堂文集卷八

五

溪山兩相望只隔五長亭一見坐聯日高談氣拂星好
賓知絡秀兼僕困樵青此會受多益歸途杖可銘

雨中留范曉邨家

年來常閉戶一動自知非坐雨詩消悶思家夢當歸山
林容自拙道路目孤飛便整回頭步西園筍籜肥

到永固寺訪曹約齋

名說

本是塵埃客夤緣到上方茶嘗新雨味酒吸綠陰香半
日清風古百年佳話長悠悠一俯仰我欲憩斜陽

用前韻送酒與約齋

人生以類合圓木不投方家話太平舊山盟晚節香百
罹心易足一醉味何長但得靜中樂邨邨皆洛陽

到淨慈展墓次韻吳棣窗

名應奎
字可文

有客何尋僧新吟漬剡藤交情自秋月浮世看春冰猶
顧慈雲榻相期元夜鐙我來當付約樓上看陳登

再用前韻謝吳竹修

名核字
山甫

禿髡歸陽羨僊髯臥古藤前賢成昨夢後輩嗣誰鐙傾
蓋欣如故吟壇得共登春風吹相聚聊此寄韋冰

本堂先生文集卷之九

詩 五言律三十九首 遵舊校出五言古一首

答吳棣窗

來訪在家僧連牀坐夜鐙狂談拋玉塵劇飲渴黃藤一
見皆風月相投不炭冰何當長作伴山水足臨登

與齡叟

幾年西崦寺門薜路交藤龍象開禪席鐘魚張法鐙領
徒耕趁雨對客句裁冰我亦相忘者慈雲得屢登

醉書永固方丈示東隱

西麓與東峯前緣得二翁雅心千古上慈汁一尊同猛

本堂文集卷九

省塵埃夢飽參松竹風黃綺在何處我欲問冥鴻

用前韻答齡叟見寄

草堂存老我茅屋著而翁門戶兩家異溪山一趣同夜
鑪檮火春閣杏花風何惜盟吟社浮塵付過鴻

題晚照樓

乳峯天下景清景此尤多簷影夕陽樹簾香新水荷虛
通雲入室平送鶴歸窠高坐清涼境人閒自沸鍋

呈雪竇僧野翁

名善來

雨屋又留連回頭七載前同遊半黃土百感兩霜顛睡
醒茶爲崇吟清山結緣他年北窗下誰復對牀眠

丹山主者恭雪航年七十餘清苦善吟八句以似
本是住林深浮雲載出林蹒跚多病腳邂逅十年心破
鼓飢甘飯殘鐙老醒吟我來相訪外梅竹是知音

丹山酒邊

衰老受晴光相攜到上方意濃忘酒薄話美奪塵忙天
竹靜逾媚溪梅初有香危時正多事半日太平鄉

次第觀二首呈雪航

流俗方瀾倒禪心自鐵頑人於詩信老天與病全閒拄
杖溪山曲移尊雪月閒相逢多拙句爲我細修刪

右屬雪航

本堂文集卷九

二

如今事如許我得強癡頑避世貧爲福信天忙亦閒乾
坤孤注外風月兩鬢閒賸有遊山記從他野筆刪

遊慈雲二首

今夕是何夕相攜踏雪乾弟兄清濁酒僧俗素葷盤避
逅半年事笑談終日歡欲歸歸未得戀月靠闌干
有分醉慈雲相畱氣味真樵香千丈雪筍雋萬年春此
會不多見如今能幾人胡爲弗回首三笑亦風塵

與單君範坐凝光亭

危世見交情相逢坐小亭平看二麥秀虛受萬山青往

事酒俱醉可人詩自醒悠悠一俛仰白鳥入冥冥

次韻趙菊泉

世衰人物眇猶見得閒平劫火詩書脈春風杖履盟
霏木屑話淡淡菜羹情相對青鐙下平生心事明

次韻黃長孺

名正孫

別陳子得名

菜

兩閒何納納長夜正漫漫感舊心猶熱逢春眼自寒
人情伐木宋世變幻花韓寂寞衡茅下從他作拙看

題東堂竹

種來三世遠一片綠猗猗節直清自見心虛高不知甯
求千畝富足與七賢期要得龍孫茂封培無已時

本堂文集卷九

二

次韻弟觀田蠶卽事

詩禮雖傳世農桑不離門梅天繅雪屋秧雨種雲邨衣
帛知先老含飴擬弄孫願言同井樂無怨亦無恩

長孺以新生子求名命曰相兒

有女諧良偶承宗在嫡兒館甥纔巾歲宅相果如期脈
發慈溪正胞成江夏奇咳名應會得乳口見嘔啞

次韻竺梅潭老境

名自中

浮生年復年安處卽神仙子壯閒專日家和笑答天輓
炊脂白米甜釀雪清泉蔗境有餘味吟情真造玄

喜見單君範八句

世衰交道薄相好獨金蘭見面驚雙瘦知心話百難老
饜蔥本煖清坐杏花寒明日休輕別流年水赴灘

靈濟菴主僧泉蒙山招飲偶成

水面巧安排軒窗爽豁哉橋關江氣定門約市聲開遠
景天相送清風客自來夜牀涼睡足有夢到蓬萊

留范景山家聞夜警有作

鐙窗坐無寐吾亦自憐吾活在虎狼窟老猶風雨途世
情多短氣心事一長吁幸有秋成好仍聞夜警呼

雨留景山家

桂後菊花前相逢夢覺然閒心時外話親意雨中眠投

本堂文集卷九

四

老會難必臨行留更堅西風亦解事未寫放晴天

晴歸

兒造弄晴曦安排老我歸江收閒水退山戴斷雲飛晚
色明官路清寒攪客衣行行到嵩曲猶可及斜暉

范公亭歸途

客窗連日雨晨發趁晴光禿鬢去秋老倦心愁路長終
須山坐靜有感水流忙更有難言處乾坤事渺茫

白珽寄詩次韻見意

江干風雨別君住我來回兩地夢相覓十年書一來字
參老未到詩放晚唐開直要吟成史掃清塵世埃

用梅山別諸賢韻

世變事難必天倫愛自深醉醒皆外物甘苦共初心倦
翼山招返寒林風爲吟何當長聚首衰境况侵尋

齡叟醉我以鼓笛之筵八句見意

樓閣倚晴天知心得老禪風光百年事民命數家煙鏡
火猶嬉鼓山林有醉筵殘生聊爾耳休話到兵前

次韻吳竹修發慈雲

入山知幾約手墨未曾乾危世一遊重清交百念寒吟
成佳句易說到太平難終夜飲不醉何從得睡甯

靈濟菴會高麗僧全息菴八句遺之

本堂文集卷九

五

生其箕子國來拜觀音山迢迢萬里外了了一見閒風
波任浩蕩雲月自往還莫怪圖三笑我非元亮班

書於靈濟方丈

信步領兒行又來天盡堂老衰憑酒健春好得詩香花
柳年年事江山處處鄉拍闌一相笑白鳥入微茫

酒邊呈鄭耐軒

名邦丞相
清之孫也

行行曲曲廊迤邐入書房多客坐氈煖百花吟几香人
閒正桃李屋角自蔬桑信是閒中好相忘古話長

靈溪房偶成

名可
正

隨雲入寶坊寄憩正師房醉枕老易醒閒窗春亦忙暄

風口花氣好客帶詩香信美難久住我家山水鄉

韻 翌日風雨再用韻

初心驥伏坊活計蟻營房家與水雲遠春方風月忙僧

窗熟處穩兒信狎來香去住底須問悠悠何有鄉

韻 遲留又用韻

宿留不覺久非因戀竹房山林遲老死萍梗急貧忙走

俗形幾穢還家夢亦香未能憑古語安處是吾鄉

韻 黃虛谷以唐體五言一首來別次韻餞其歸

名翔鳳字

羽子

我欲話時窮非翁誰與從老來有兩健春到得相逢潮

本堂文集卷九

六

水明朝櫓雲山後夜鐘相思無盡處樽酒幾時重

次韻天台陳榆收

名景參

世態自浮輕猶存冷處盟功名隨泡影道義要權衡打

破片雲隔來分半日清且須謀隱事未問把天擎

似史和甫傳清

名侃伯

翩翩鶴往還高眼看塵寰家世崔盧上風流晉宋開開

門種桃李落筆動江山勳業時來做青春贏得閒

用長兒韻謝黃長孺酒

薄俗方沈溺親情自酌斟雨聲書屋冷春意酒杯深危

世不多話醉中時一吟明年如老健此會得重尋

本堂先生文集卷之九終

谷和長兒奉別

向何時得近依詩撰賜龍瘦子為眼花肥

春歸人未歸淡君半閉日珍車白出衣

懷呈鄭耐軒

那誰知雨又西高城為帶市數步有達洲

外驗也

本堂文集卷九

七



甫傳海

高眼看塵寰家世地遠上風流

山華助任山勳業時水催青

韻謝黃長倫

本堂先生文集卷之九終

本堂先生文集卷之十

詩 五言律三十五首

次韻虛谷和長兒奉別

有便勤相問何時得近依詩搜腸藿瘦字爲眼花肥雲
遠心猶遠春歸人未歸羨君牢閉戶珍重白山衣

雨中旅懷呈鄭耐軒

日日約歸舟誰知雨又畱滿城爲海市數步有蓬洲溼
夢風難送急心天與仇今朝好晴色著履可來不

又自用韻

泛泛一風舟誰與管去畱兒翁忘市井女友隔河洲聊

本堂文集卷十

一

爾詩還債從他笑有仇山林原自好明日得歸不

城歸憩吳竹修家一詩寫懷

去時桃未蕊歸見石榴花白首鐙前酒青山夢裏家鷓
聲心路梗蚊毒面皮麻勞苦書生事堪嗟老未涯

畱西山

西崦已非舊菴居猶自妍樹頭擎月直山腹轉風圓閒
坐忙塵外清談濁酒邊悠悠一俯仰今日是何年

次韻齡叟招石秀叔

久知難久別飛約到柴門喚起雨窗困踏開嵐徑昏世
情忙外看交道淡中存何日已公屋新詩得共論

齡叟以詩來壽余次韻以復

彼美慈雲叟相存馬少游槐淘參玉版藻句粲銀鉤外
友更誰在前緣曾共修從今各珍重萬事等虛舟

宿洞真觀呈盧竹溪

名應龍
字致遠

傍家新築好儒道不相妨松火客牀夢梅花詩屋香欲
盟六逸醉始託四明狂高視黃塵表翛然何有鄉

樊伯推守歲有詩因次韻以自寫

咸甯郡馬
紱之後也

盤花明日頌草草數杯先醉以客呼夜老嫌人問年那
知新換歲得似舊安眠浮世自多事春風無棄憐

似永固主僧惠福

本堂文集卷十

二

偶來乘暇隙又過古禪林白日鐘魚外清風竹樹陰無
言自有趣得句亦何心相見不相問老僧知我深

與內姪汪景淵西窗小酌

窗下綢繆處尊中感愴初難危親話重修阻見時疏老
別堪三載交談勝百書溪山已非昔爾後更何如

次韻梅山弟見懷

自笑緣何事老來還客中唱花悲杜牧隱杵愧梁鴻頗
憶良眉白相歡醉面紅如今各成別方信坐天窮

謝王景之用前韻見寄

名果
用

詩卷舞西風翩然入眼中健回追電馬清落唳霜鴻遺

我竇吳縞逢人稱相紅但存山上果誰道剝爲窮

遊淨慈道中

衰年少出門信步過冬暄黃葉問梅路青煙芟麥邨危
時一自適造物萬相□試與松風約尙堪來幾番

登慈雲閣

徜徉古梵宮如坐畫圖中峰礙半山日閣來三面風靜
觀知物變老話入僧空莫訝攬門戶吾今已秃翁

次韻內姪竺稷

字堯佐

并示諸兒

春首還相見吾懷白與兄江湖關老夢山野避新行危
慮船迎浪殘生漏送更東風溪上路欲別若爲情

本堂文集卷十

三

避難西阮用淪韻

頭秃鬢蕭蕭誰知生轉勞危心貪避遠老腳失低高薄
採義山蕨難逢仙徑桃如何是歸日世事正器噐

丙子丁丑年避難南山之西阮今春投北山兩雪
竇閒其地名適與前同因記以入句

西阮曾避難今又一西阮十有四年夢兩番多事驚天
乎存老息地亦定前名何動不關命怡然心氣平

次第觀似單君範二首

可人忽相訪恰恰應鐙花古話達時樣霜毛感歲華雨
中書枕榻山下菜羹家一笑君聽取歸期待白鴉

卽事

出門問春事猶在可疑閒雲弄欲晴日風堅曾雪山千
林芳信遠百鳥好聲慳要識天珍重時光漸漸還

元夕風雨

明日又元日邨祠一闕人溪山渾是雨鐙火若爲春忍
見飢成鬼癡將飽望神誰知生意處官好自憂民

醉中示梅山弟

浮生無足處樂事有誰真風雨少晴日弟兄能幾人清
談流俗外薄醉小窗春栩栩投牀夢方知造物仁

卽事

本堂文集卷十

四

新正已強半連陰凝不開雨聲巖似雪春色瘦於梅老
不問花事病猶須酒杯東風自時樣於我亦悠哉

過梅山弟家

好景在西林晴邊取次尋路融山脈水屋戴樹毛陰動
腳影爲僕舉頭天見心清風知酒病吹我兩衣襟

脾疼大作

頭童面菜色七十八年閒聊把吟移病何曾笑答閒老
妻愁日計弱子怯時艱此意有誰會門前溪與山

齡叟招飲醉中

一笠出雲深因緣坐到今寺窮僧自飯山古樹方林借

酒看人醉燒香駐客吟相攜不覺笑門外少知心

二月十日送女清出適還次韻弟觀代主留客

弟胡爲自專宴客數朝連敢越庖中俎甘安肋上拳滿
腔虛醉飽一段惡姻緣事過姑休問風流記剡川

次韻黃長孺

山谷忽精神一番桃李新杯盤留話處鐙火苟安人老
去刻爲巖醉來寒亦春催歸莫閒管此處豈天津

送張子喬之杭

名喬

文旒舞翩翩西征興浩然樹香三井路花影六橋船酒
貴難爲醉詩清易得傳丈夫須衣錦寶重黑頭年

本堂文集卷十

五

似天甯寺僧仁澤

禪窗小有天一見喜登然壁畫詩爲重簷花菜共妍而
翁十暑別於我百年緣此日相逢此勝如三笑傳

答天甯寺僧宗芑用前韻來見

佳月好風天詩來眼豁然定心生古韻淡態洗春妍一
面總如舊五言相結緣尙能茅屋下賸把已公傳

深兒歸自杭梅山弟有詩因次韻

兒歸喜欲泣難說與他人老眼無湖海初心有鬼神行
將八十歲別可又三春自信天堪靠甯教做獨民

新正過沙堤

朝雨黃鸝靜春風暗蕊低極知來令節未肯踏深泥狼
藉桃無語侵尋草滿蹊還聞騎馬客躑躅向沙堤

至直學士院樊伯攜家

遠樹晴堪數孤雲暝欲遮自憐江海迹能到友生家落
日明江色輕風動麥花相看吾鬢白不必問年華

次韻答樊伯攜

直以傭爲業何妨睡作魔吟詩終日少飲酒一生多坐
久頭鳴籟行遲腳有鵝林居三十載一室小維摩

本堂先生文集卷之十一

詩 五言律四十首

似仁澤宗芑

來訪寄窗師新田雨茗期涼生開酒量香妙醒詩脾半
日舊來話古心他更誰要知夢非夢試問兩相知

答前人用前韻來謝

莊老是堪師浮生何日期空將書拄腹安得藥封脾年
事老如我歲寒交有誰偶然歸不去又被若人知

與天甯寺主僧雲岫對坐偶成

瀟瀟風雨裏得得又開門兩榻蕙蘭壁半檐花竹邨鳴

本堂文集卷十一

一

蛙藏綠暗歸翼帶黃昏此景少人會相看付不言

寄慈溪赭山寺主僧如岳

薄俗久淪胥交心獨抱初孤岑千嶂外兩載幾行書歲
晚梅花瘦江空雁影疏相逢不相見近況定何如

次韻達觀弟送法椿長老入杭

與師交際狎弟後我居前久憩上方閣忽登西浙船翩
然如過鶴聽不到唳鵲心契無千里詩盟終有緣

次韻天甯僧宗芑見寄

新詩忽相問知我有如君陶令早還里少游終守墳犁
鋤聊自課筆硯未全焚時放出門步仰天看過雲

到白水有感

吾氣已衰颯茲行增慘悽近山雲易雨積水路如溪寒
食紙錢樹舊遊莎草畦頽牆獨立久百感付鵲唳

見童志道舊居已非有感

人亡屋亦非世事已堪悲遺樹老於我故山春爲誰論
文歸一夢閉眼立多時默默無言處東風知不知

次韻仁澤僧來見

嵩溪修竹下一榻坐幽深時異交遊少年衰百病侵生
涯成鳥啄邨景付猿吟惟有相從夢時時到梵林

次韻張子喬來見

本堂文集卷十一

二

人生自多事本是一蘧廬忽忽夢柯外纍纍炊劍餘清
吟投病枕細讀當醫書此去更何日相過話索居

日峯菴

便道得幽尋清風引入深菴依山石腳僧說老巖心到
處鬼無墓此山松獨林人生竟何事搔首立青陰

寄婺州石君瑞料院

名德
祥

靈光猶巋然別久忽書傳風雨各閉戶山林多謝天眼
花千里外心事十年前獨爲兒曹喜通家契有緣

同離孫童蒙遊淨慈

三月第三日又來遊梵林醉言驚俗耳貧趣契僧心犬

伏落紅外鳥嗁空翠陰一年最佳處分付老齡吟

次韻胡甥幼文留別

字德華

瘞車俄見過喜氣動庭莎別久一來重病餘相問多親情
情忘淡薄歸興及清和山路須回首長松有翠蘿

送春酒邊

今朝天氣新聚首見情真園木相看古池魚亦詠春山
林如此酒宇宙幾何人堪笑塵埃世興懷石季倫

余自邑歸唐溪袁仲素

名清

兄弟拉歸宿次日苦

留連偶病以八句辭

家世厭風波來居空翠窩山深秋意早溪近夜聲多似

本堂文集卷十一

三

夢忽到此欲留如病何眼前渾是趣未得細吟哦

到梅山次韻弟苴

山家見禿翁歡笑走兒童坡竹勢飛動楚蘭香暗通盞
分半席地相扇一瓢風世事非吾分何妨詩自雄

次前韻

相對兩衰翁此心無復童幸叨無事坐貧欠有錢通菜
粥琴書畫梅花雪月風黃塵在門外勞隱是英雄

梅山醉後過丹山

醉掛梅花塢意行來佛廬相看如夜夢一別又年餘話
到供無粥笑言園有蔬杯茶出山去拍手謝鐘魚

次前韻示弟萑

梅老竹疏疏先人有傲廬偷生俄八十課子尙三餘腳
輒安憑杖牙衰爛煮蔬天猶嫌過分時復病河魚

次韻王得淦長至

二十四節氣來自混元前老息他無分新陽例有緣從
教寒又暑慣得海爲田此理須看破何妨日當年

正月二十四日到梅山二首

困來禁不住一動亦悠然家事青山外春心白髮前逢
人相問歲爲客又開年得醉梅花下何妨就石眠

梅花草屋邊好景得天然夢境閒爲上歸途倦莫前無

本堂文集卷十一

四

情推醉石有分是流年已約重來日白雲留醉眠

正月晦日與弟觀對酌

聚散等風沙相知要當家弟兄窗下酒世俗眼前花隱
去方爲福貧驅未有涯明朝吉凶事分付與昏鴉

四月三日與家人小酌轉官毬花因成入句略爲

花吐氣也

紅芳銷歇後天質最分明翦襯青雲薄團成白雪輕官
途榮進取時樣妄推評本色相看處幽窗不世情

次韻雪竇主同少野見寄

洛中人物好磊磊實過名和氣春浮動新詩玉琢成相

逢交義重一笑世情輕問到牡丹外淒然百感生

示王侑翁二首

垂髫已解吟髣髴學何陰暗動梅窗喜遙傳桂種心染
聲母市井近拙要山林毫矣不成句中閒意自深
碩果生機在從他剝五陰南山四時面殘屋百年心家
薄有書種客多成笑林要閒元自老不在卜居深

到西山懷趙景文似諸孤

山屋著孤嫠采薇人更誰寒鐙長夜影春帖去年詩後
死祇多感獨來能幾時願言相勸學西席竝賢師

次韻林芳叔夜雨立春二首

名廷玉

今春第一雨颯颯打窗紗莫怪妨鐙節惟憂釀雪花報

晴俄喜鵲吠早底嫌蛙不自知年耄隨人樂歲華

官府年頭事山中知未知更新夏正朔依舊漢威儀病
腳春扶起歸心雨壓遲東家未吾厭飽飯細論詩

次韻林國器元夕

名公輔

世情多異好幻出滿城星塵市月無色醉鄉風亦腥從
他兒戲哄輸我客眠醒老耳虛鳴處笙歌足自聽

次韻樊伯撝見貺

自笑我何如叨年八十餘戶門覺老病梅竹護窮居拙
計信天鳥殘生滅水魚時將一字命仰臥向空書

次韻王得淦和兒泌西山所作二首

門徑不爲深溪山巧帶襟老來無過計貧極見初心兒
漫煑飢字甥能賡醉吟不羞狂脫帽無髮可勝簪
親戚要綢繆其來遠有由溪山行可到歲月去難留休
問酒無有但將詩應酬春光堪處不是少年遊

次韻王監叔二首

青山綠水鄉竹裏喜還堂犬竇可曾警雀羅何用張苦
詩誰是甫問字我非揚有感飛霞佩相從老不忘
古道在山林還從冷處尋醉時詩落紙夢裏鶴隨琴歲
月悠悠外乾坤浩浩心何妨且留住風雨是知音

本堂文集卷十一

六

四月五日後圃酴醾芍藥侍郎三花盛開醉中成

三詠

酴醾忽盡花春與夏交加頃刻當千日風流能幾家香
叢迷粉蝶曲蔓走青蛇火急要清賞可人歸未邪
芍藥又將開那堪夜雨催密鋪萱草襯巧傍牡丹栽省
砌休思著揚州曾看來芳菲概如許俯仰亦悠哉
芍藥圃中央有花名侍郎叢叢嬌翠羽朵朵淡紅妝鳳
閣樣如夢雞冠班自行何如付一醉歲歲有春光

本堂先生文集卷之十二

詩 五言律二十五首

次韻孫與之見寄

名夢
釜

江山百里餘相得，肯相疏。寄雁苦無便，遺魚俄有書。心能謙，以下義得兌之初。耐久難忘處，我將銘陋居。

次韻泌雨後

秋來苦淫雨，轉見我衰殘。餘息朝陽露，危生風浪灘。病深多夢藥，涼早入披禪。萬事有天在，隨時且放寬。

送巖心傳鄞縣學教任滿

名得
柱

賢哉昔魯山，心地出芝蘭。不負義方教，相傳本色官。三年腳根正，萬里路頭寬。須信功名事，要教人耐看。

本堂文集卷十二

一

次韻東平趙孟益遊北山寺

瀟灑一僧關，錢家古墓山。雲多迷早晚，溪闊限忙閒。齋鼓青龍麓，漁歌白鷺灣。欲吟吟不盡，巖溜自潺潺。

次韻遊南山寺

紫蓋矗天開，更無山並來。腳飛雲外去，眼到海東回。長嘯落林葉，新題淋壁苔。茲遊亦奇絕，休惜醉徘徊。

次王得塗韻

浴出矮檐陰，披襟小雨侵。坐涼三鼓漏，和夢一鐙吟。自分死中活，誰知升與沈。明朝書局事，奔走豈初心。

遊北苑寺似主僧漢仲章

隨人入寶坊一坐到斜陽僧老話多古春來山自香放
吟聊走筆乘興不論觴今日是何日悠然何有鄉

謝前人

意行非風盟一見眼雙青款接生如熟高談醉易醒夜
牀清老夢晨粥洗餘腥須踐楊梅約重來水月亭

送邑宰丁旣之解任置酒取別因賦示

丁名濟

古道轉悠悠送君那值秋惡懷醒似醉苦語去難留鏡
雨今宵酒帆風明日舟從今夢相見老眼在心頭

送蘇松軒路教解任

名焱

本堂文集卷十二

二

三載多材地一團和氣鄉蛙池疏道脈蓬島蠹文芒明
日歸舟穩春風驛路長詞林是託舊此去足翱翔

到西峯寺見弟蒙所與僧屋詩因次韻

僧名照樵

檄便入雲山相逢話晚年慣吟茅屋下時打葛藤前應
世未圓覺無人識聖顛滔滔兒女境猶抱穎師弦

到香山寺似僧能子良

當年真應老

楊禪師封真應大師道場

坐斷此名邱交障鎖山定曲

溪依路流聳肩擎佛迹

寺山西絕頂有寺名佛迹

分腳踏龍頭

寺山東有

龍頭形勝不可盡平生債一遊

鹽場

似雪竇西麓菴僧昂蒙純

□□□□□□□□□□詩話半窗日禪機萬竹風悠
然相契處付與不言中長揖出門去水流雲外空

次韻洞真道士盧致遠

虹橋關福地門外任風濤襟帶金鐘秀根基鐵柱牢安
心培大棗辦手摘蟠桃坐鎮江山穩新題立石高

似法椿齡叟

人生契合處信是宿因緣坐到無言外參成有佛前好
山非昨日嘯鳥又今年帶得醉歸去醒時風滿天

次韻東皋寺主僧知蒸見寄

平地起叢林工夫歲月深百吟三教髓一飯十方心慣

本堂文集卷十二

五

聽人傳說閒將夢去尋書來足自慰亦是老知音

次韻弟觀留慈雲

相攜入翠林聊爾豁塵襟侍熟出家話得閒生梵心涼
多卻扇坐困倦把詩吟試問虎溪上多情如此深

萬壽寺主僧圓鑑留酒醉中

人世一漚浮時光如瞬流相違十年久偶見兩心稠法
嗣驚初意香厨出異羞那知年到此不枉少遲留

聞樊桂卿初歸自鏡湖寄之

伯攜子

短世淵明醉長愁子美歌高情誰復爾久別公如何淡
月初出浦好風來颺蓑買田滄海上耕亦不須多

次韻留友直道士來訪

九六盪摩中幾人閒處同浮生絲傀儡後計石婆翁事
事休休過時時咄咄空何如仙羽健來往傲方蓬

遊鹿頂山

茲菴擅佳境一到願方償鐘鼓江湖笠琴棋水竹房相
逢多故舊小憩得清涼自笑因緣淺又催行路忙

次韻僧仁澤

號雲夢

來詩自有師心與晚唐期開我正牆面喜於聞樂脾山
林人似許風月事還誰不用盟爲社從今是故知
灑灑忘家客相逢若有期茶腴參道味詩瘦出飢脾避

本堂文集卷十二

四

俗無新計談空更阿誰吾言太浪蕩休遣世人知
來遊大梵天邂逅興悠然一見新猶故相忘醜亦妍藕
花詩有句蓮社我無緣不必參禪話詩鐙自可傳

樊學士送菊次韻答之

名伯
搗

黃菊有名花淵明無酒官酒多人自醉花好月同看老
未厭入世天教共歲寒未應攜不去高步蓬萊山

本堂先生文集卷之十三

詩 七言律 三十九首

次韻孫古巖冬景

臘天風景最無常，兒造顛狂亦有方。
將放雪飛連夜雨，欲留晴住一朝霜。
城頭柳色吟邊動，山曲梅花夢裏香。
身在黃塵三尺外，靜中無日不春光。

次韻單景山酴醪

東風先遣百花開，坐後妝梳帶鏡臺。
雪豔慣逢風落絮，雲香不到雨成梅。
下交芍藥當階發，高伴金沙上架來。
珍重美人收拾去，春衣芬馥雅持杯。

本堂文集卷十三

一

浦城外界梨嶺西水碓頭阻雪三日

小小籃輿出遠林，南來長苦路崎嶇。
一千里外鄉山杳，十二月，中風雪深清夜到家，惟有夢少年觸事易酸心。
須知行止元非我，陰六陽三古到今。

定海

一夜南風便葉舟，天教償我定川遊。
兩崖踞海潮吞腳，萬石封隄水掉頭。
家家活計魚鰕市，處處歡聲鼓笛樓。
不用丹青狀風景，逢人且說小杭州。

宿靈石方丈

卽永固

偶因塵隙遊靈石，不覺夷猶到夜深。
坐對半窗山月影，

參成一片白雲心寒螿著露更相調老葉無風也自吟
分得僧牀伴僧夢夢闌詩料滿山林

謝童志道書

相逢一歲一開懷不奈息息兩望賒緘口已生愁裏棘
其鏡空結夢中花芳林丹桂君須折厄閭黃楊我自嗟
猶喜鄧峯雲一葉故教風裏到天涯

夢中得詩二句王景雲聞之擬成八句來因次韻

浮生誰不愛名成未到頭時未是名不意事多人易老
知音者少路難行夢中二句清閒信是終身福得失須教一

念輕林下有家歸有日離騷聲裏聽猿聲

回家

本堂文集卷十三

二

爲嫌客悶轉還鄉到得還鄉夢轉長密友會疏心欲折
貧家事富擔難當秋山有態忻新雨風葉無名怨夕陽
此景勸君評泊取免教詩社報淒涼

張氏館中早作

小窗一榻清於水親戚相看話久睽困帶詩情投角枕
夢隨梅伴策霜藜鄰家落杵催樵爨山寺分鍾撼竹棲
犯冷披衣捲簾立小丹山在翠樓西

病起

西風喚起眼中仙竹榻饒涼不愛眠數樹秋聲窗著雨

一簾山影屋浮煙
案頭古帖無完紙
壁上焦琴不具絃
小摘畦蔬炊脫粟
與妻閒話孟光賢

詞次前韻謝月窗兄見和

未鹿

人得清閒便是仙
秋光堪畫欠龍眠
瀉檐纔歇催詩雨
入戶驚飛落紙煙
句與杜陵同中律
世無鍾子莫知絃
籟鳴機動聊相友
捧硯猶強武士賢

詞次韻竹窗兄委順齋

名元龍

行自遠

知君委順是心銘
揭以名齋豈浪名
夜兔晨鳥真似夢
秋蟲春鳥不關情
人生未死終歸困
天道從來不益盈
我亦當今知命者
請於此處話平生

本堂文集卷十三

三

竹窗兄因貓捕雞日囚夜縱有詩自憐因次韻

坎止流行不在人
人生只合任天真
無聊句踐能興越
垂死范雎終相秦
病足不妨登上袞
顰眉休復效東鄰
竹窗悟得窮通理
雖致狸奴許自新

詞孟春書懷

孟春書懷

老健羲娥不住車
東君依樣做年華
十來日雨洗梅萼
一半春風歸杏花
醉裏出門忘故我
閒心到處是吾家
臨溪忽悟前程事
流水方生未到涯

詞趙氏樓偶成

趙氏樓偶成

過耳南宮捷奏鈴
功名宿夢頓呼醒
清風席上龜占古

細雨樓頭鵲語靈袖裏環文珍白璧眼中霜穎銳青萍
問津當繼宣和蜀要得人言更妙齡

春門次前韻謝同樓諸公來報恩

凝香畫閣晝聞鈴喚我真心十倍醒奮臂勇尋西學侶
回頭挹謝北山靈京華是則薪炊桂旅食何妨實剖萍
此去功名如到手也須伏闕疏延齡

入京到西渡

昨宵北渡今西渡繫是離家第二宵詩伴風流勤犯驛
權郎醉飽健迎潮丈亭浦上鄰州接筆架峯迷故里遙
得意歸來期可數榴花如火照高標

本堂文集卷十三

四

吳宜之生日以一詩勉之

字諡甫

伍山鍾秀出人龍頭角崢嶸意氣雄須著父兄深責望
好從師友細磨礱始勤卻是終身福下學方收上達功
它日前程相約處杏園多少馬頭風

去遊西湖

多謝東君巧剗裁工夫都在禁城西松蘿霽藹羣峯寺
楊柳輕風十里隄酒向畫闌樓上買詩從翠館壁中題
都門路迥馬蹏困奔得歸來醉似泥

過鑑湖

越城勝境素來誇纔入東關分外嘉八百頃荷西子態

幾千餘寺賀君家畫屏山色饒煙水麗錦天光落晚霞
惜景欲圖湖上住釣船泊處是生涯

次韻劉生秋夜郊行

護索郊行秋夜秒無心萬籟自悲鳴月林散葉風前下
村舍孤燈夜半明暗裏家山應在望醉中礎杵不關情
歸來東榻鴛衾穩應笑詞人怨五更

題西四明趙氏書院

他鄉久客不堪懷風雨書窗又獨來夢惡喜聞鶯喚醒
歸途羞見雁聲回望春山色今須好年少時光老易催
坎止流行天已定掀髯一笑且銜杯

首夏

本堂文集卷十三

五

花塵絮雪已茫茫一景清和便可量脅霽驚風眠秀麥
尾雲疏雨健新秧鶯囀未怯隨春去犬吠相催入夜長
酒興詩情都懶散祇將清夢試藜牀

春殘

出門隨意踏着苔過眼時光一笑陪二十四風清繡地
兩三點雨試輕雷纈空舞絮隨春去鈿水嬌荷闌夏開
對景傷心兒女事剛腸無奈祇銜杯

乙卯鄉貢鹿鳴宴次韻

結髮書癡氣吸川壯年纔得預賓筵射穿楊葉心何武

夢入梅花骨已仙設席肆筵勞送上著鞭跨馬欲飛前
令君早晚朝天去桃李妍春正耐煙

送胡檢閣

名屋

塵鞅紛紛走畏途中得見古璠璣利名抑末有知己
骨相雖癯卻飽書已把三長修信史應無千斛到清居
文章到地此爲最鳳閣鸞臺次第除
吳江縣作寶祐六年七月二十七往鎮江考試
不行浙右已三年卻上今秋考試船文禁何妨鷗鷺狎
廚供旋得蟹魚鮮遠山浮動太湖浪密樹冥濛小市煙
及過長橋風正惡倚船無語看青天

長橋望湖

本堂文集卷十三

六

太湖缺處束爲橋總把吳中景物包去百里閒山獨立
跨三州地水平交古亭休說曾垂釣長劍何妨更斬蛟
欲覓鴟夷無處所如今祇自網船拋

送沿江制使姚橘州尙書自金陵赴召三首

名希得

自紫巖來百載餘我公德量世閒無官高也只如韋布
家慶眞堪入畫圖忙處轉多閒氣象平時惟做實工夫
此行當坐經綸閣須念蒼生已及膚

閩寄當今第一難三年裘帶笑談閒寬扶民力野聲樂
靜壓邊風江水閒有緣鍾阜住清朝卻詔履星還

過家聞說須留憩，荷滿江洲筍滿山。
當年赤手戰南宮，道眼收歸造化中。
欲把一陶成異日，已教兩度受春風。
登門英俊知何限，著意孤寒卻最豐。
但願身如秋後菊，橘州深處寄霜叢。

咸淳元年乙丑冬，同金陵制幕諸公遊舊烏衣巷。

新來燕堂制參董靜烈字居有詩因次韻

王謝風流墮渺茫，黯然懷舊見新堂。
山無多樹夕陽遠，梅始一花春意長。
燕去有時來畫屋，鶴飛何日到青岡。
休言枉灑新亭淚，猶勝如今似醉鄉。

雲西已矣江東漕，司繡春園柱閒詩尚存。
因次韻

本堂文集卷十三

七

以寫感云

陸雲西名獻字景思陸佃之後

柳邊桃杏竹邊梅，盡是先生手自栽。
舊事已隨春夢斷，新愁偏入老懷來。
空將滿柱留題看，無復當花畫冊開。
試上層臺望秦望，鄉心禁得杜鵑催。

自金陵趨行都過顧城湖三十里，水光接天，但風逆不可帆。午閒到銀林登陸雨作。

船路連朝天逆吹，今朝登陸雨相隨。
自緣寒素例難阻，非爲老蒼私控持。
山色青青無世變，梅花皎皎是心知。
眼前有景足消遣，到闕何妨數日遲。

聞伯求第鞫獄明允今日行刑而雪應祈喜而賦

敕香勤雪未如期誰信沈冤在獄扉玉闕曉俞三覆奏
瑤妃夜翦六花飛從知刑罰分明處最係天人感應機
喜極吾家有宣靜眼中瓊樹轉光輝

次韻子倉二首

名琦

清溪遊倦又浮家帶雪來觀上國華飛檄有聲爭致藁
通閨得薦已攢花立看雲雨蛟龍起坐笑春風鳥雀譁
好向江湖忙著句回頭綸鳳出南街

君學柯山我學家相逢悵惘兩無華有緣偶食金陵粟
連歲同聽玉樹花各占路頭圖展布不隨人口鬪誼譁

本堂文集卷十三

八

向來平實交相勉笑殺麤心古押衙

次韻史猷父鄉集

兩賢主禮一般春還是慈湖曲里人久曠忽行知世變
相逢交賀見情真發身清苦盟方暖回首榮華迹總陳
更看它年陪茶酒者英會後接芳塵

嵯縣次韻趙主簿

爲長於斯愧善羣那當世事日輪雲吾甯忤俗少行志
誰忍欺民上負君臨政可能皆冉季讀書均欲致華勳
有澹臺者良知我嘉惠新詩不敢聞

本堂先生文集卷之十三終

本堂先生文集卷之十四

詩七言律十首

嵎縣次韻答過客常德尉覓酒

淵明欲學醉陽城種秫無田漫著情
渴枕誤成顏玉夢空槽甯有滴珠聲
去尋雲島人非俗吟到雪溪詩轉清
鄰甕夜賒聊送似知君已洗大蘇觥

嵎縣印回家東郭道中

過雪溪前第一灣面前境界儘寬閒
猶聽人說我知縣誰識身□前住山
民社三年憂責外家山百里笑聲閒
最堪喜處交情好明月清風心往還

本堂文集卷十四

剡民望回再回剡宿陳公嶺

夜宿雲閒第一峯一雞鳴動萬山空
薄餐菜飯留中火牢著芒屨踏上風
高處更無塵隔礙滿空惟有理玲瓏
此時此意平生樂山下人誰此樂同

出剡北門道中

晴日烘冬掃宿陰籃輿伊軋出山深
田夫忍凍妝旗帳學子忘勞走佩衿
三載一餘多少過萬人相送獨何心
新官便好觀風俗莫道無人識古琴

到徐晚邨點木簿三首

江雲薄薄弄秋晴小小籃輿款款行
才近山光□自別

本堂先生文集卷之十四終



本堂文集卷十四

三

本堂先生文集卷之十四終

本堂先生文集卷之十五

詩 七言律四十二首

次韻梅山弟惠雞

手製雞□味可知雨書走餉慰窮飢可能夜去聞聲舞
卻效蚤鳴逃難馳伴宋讀書知已久爲由爲黍愧非宜
從今定入餐松約分付饗涎莫再垂

次韻前人釀更生會二首

滿天地裏暗塵飛老息奄奄一髮危種秫爲生姑託醉
采薇忍死未忘飢三閒書屋鬼神護百兩芒屨風雨知
咄咄書空如夢寐龍山誰記有佳期

本堂文集卷十五

一

劫火吹炎海水飛九州同憐釜魚危有時杜老淚盈把
終日顏回面忍飢今古滔滔無限事乾坤納納竟何知
便教強趁黃花約終恐越越罰後期
世變如輪到厄年危魂飛遶萬山巔冥心前路追陶令
回首中原屬漢淵樹鵲頻驚枝上月醞雞苟活甕中天
悠悠未是歸時節風雨何□復對眠

次前韻示前人

人生不料有今年知汝扶親走翠巔動腳可能無陷穿
保身正合懼冰淵夷傷無奈明歸地坎險惟將心靠天
豈意老軀幾折臂

次韻前人訛余遭蹶之苦

桑榆正要補東隅與子初期繼二疏鐵馬漲塵難著腳
霜猿引徑各傷膚苦勞筋骨甯非福剝落皮毛不管癯
賸欲寄書相慰藉呼兒頻問雁來無

避難周姓家席地而眠偶成

夜宿山家謝主翁安排席藁地鑪東枕頭就借支機石
帕額聊防箭隙風酒甕下眠添古話牛衣中臥有時通
老吾看破人間事錦帳牙牀總是空

周翁留飲酒

曉對山翁坐破窗地鑪撥火兩相忘茅柴酒與人情好
蘿蔔羹和野味長外面干戈何日定前頭尺寸逐時量
而今難說山居穩飛馬窮搜過虎狼

余牀帳爲過兵捲去答梅山弟用余韻見寄

一牀破帳護衰翁席捲俄隨掠騎東與婦同圍膚炭火
呼兒排作肉屏風從來不起羊羔想困倒何妨蝶夢通
亂世流離多露宿蓋頭有屋未爲空

十一月八日渾家避難周姓家終夜以楮柮火爲

禦寒之具

獸炭銀山醉夢鄉何如楮柮地鑪裝微煙暖火權春煖
錯節盤根傲夜長夙許孤寒陪暖席不將光燄買烘堂

風餐雪虐天昏黑獨占山家一脈陽

長至日山家偶成

疇昔隨班舞御香如今忍凍坐山房
臺雲誰取書黃瑞宮日空舒刺繡
光懶把酒杯心自醉閒欹肱枕意何長
晚窗閉眼消詳易賴有生生不斷腸

次韻內兄舒通叟太博

名津

寓雲南僧舍

河海翻飛信有由相逢莫學楚囚愁
人方椎髻說蘇子天把布衣存武侯
世變古今張與翁人心造化去中留
雲南高處應看透許得溪翁入坐不

又次前韻

本堂文集卷十五

三

吁嗟天數不人由舉目江河萬里愁
爲厲可無忠義鬼覓封忍見笑談侯
功名只作無時看氣節須從險處留
歸去來辭非浪賦曾知此老此心不

三次書懷

默察天翻地覆由寸心無處著私愁
忠唐不復瞻雙廟誤漢皆知罪五侯
牧馬入南飛淞水狩車遵北感陳留
山川滿目花如舊邂逅春風可問不

四次寄意

正大從來不徑由窮崖今卻伴猿愁
栖宇內知師孔吃吃人閒愛說侯
昨夜撞鐘搜句到他年籠壁把名留

崆峒麥熟關時事此意還曾入詠不

聞西兵復至又爲逃隱計二首

千邨奔走浪塵沙又報西兵沸鼓笳厄會有誰知死所
危途無處問生涯孤鐙閉戶一山雨遠夢當書三處家
最怕入深飢莫忍難逢流水出胡麻

軍屯多似撒星沙夜月猶聞奏月笳尙有空囊隨杜甫
幸無複壁累王涯草根木實逃生飯石室泥龕到處家
天下蒼生是誰誤當年悔不壞庭麻

中和節寓山菴

小菴亦是小桃源時事方難住更便唬鳥落花忘客主

本堂文集卷十五

四

青山流水見因緣得過一日是一日浪說百年誰百年
分付妻兒更深避掃巖跌坐學枯禪

二月十八日過邑有感二首

植杖東風立曉寒淒其極目甚窮邊黑塵猶暗新焦土
青日無光老晦天花鳳逢春誰借景杜鵑懷古自嗟年
吾今且忍須臾死得見昇平或有緣

說著時難心自寒斜陽焦土更無邊故家空夢鶯花地
殘戶不成蠶麥天造物未應終絕物今年莫省是何年
鬱攸獨免侵鄉校也向斯文要結緣

次韻梅山弟感時四首

吟情本是謝元暉
邈近年來世事非
到處望風千甲解
無人留日一戈揮
杜鵑入洛嗁拌死
鴻雁辭南去有歸
浩蕩春光天萬里
孤雲葉葉向誰飛
坐看人間滅水魚
世事滔滔趁夕暉
仰天咄咄付非非
乾坤誰解中撐拄
江海方聽北指揮
風舞南人新萬戶
灰颺西嶺舊三歸
只應天竺孤峯在
一自飛來不更飛
去不轉機千星
春造曾分寸草暉
晚經霜雪始知非
非中心痛事神孤往
前面虛名手一揮
何使曉猿隨隴笑
不煩倦鳥引雲歸
絕糧只管餐松菊
贏得身輕入險飛

邊將才無日越暉
中朝人是李斯非
順流兵馬竟掀舞

本堂文集卷十五

五

死戰規模誰發揮
忍看金莖移露去
空歌玉樹送春歸
不圖世變今如此
真與塵埃螻蚋飛

次韻董伯和名

二首

事難言處只長吁
沸海烹煎一鼎如
貧累轉添知有命
故交自絕本無書
仕方見境大槐蟻
走不離鄉千里魚
已分歸農謀半菽
尙憂龍歲起秦閭
大風西巖書三亂
時難何必苦嗟吁
自有山莊只自如
行擔應攜杏花譜
閉門堪著竹林書
行觀塵外乘風鶴
坐看人閒滅水魚
宇宙平安終有日
卻從舊卜大門閭
熱氣銷南去百戰

次韻第觀到蔡峯莊來世事非庭裏望風千甲

簇簇羣山似鐵圍中閒著屋與山依園多芋栗佐清飲
池足芰荷供隱衣疇昔搬家牛自跨有時見客鶴先飛
未宜回首林邱舊贖把詩脾厭翠微

次韻前人寒食

今年寒食倍心寒不獨松楸感涕潛青草遙悲新瘞塚
蒼梧錯認舊來山人生醉夢乾坤裏時節晦冥風雨閒
只有杜鵑知此意傍雲唳去又唳還

次韻前人訪舊

鐵石心腸本自頑著身無所奈時艱仙丹難問桃花洞
詩笠聊尋飯顆山道義豈隨天地閉風埃不放水雲閒

本堂文集卷十五

六

相逢休說如今事回首斜陽古漢關

次韻前人傷古

當年天與磅中兒天到如今不與時事變風濤掀地軸
軍聲電雹散雷槌鬼藍柄國苦相誤佛會守城甘自癡
旗蓋已隨口駕去留西太乙更誰欺

次韻前人形役

誰能禪寂效裴休自愛清名慕李舟雲路中年開轍迹
風波晚歲轉船頭見花如刺時難痛遇事生根老滯憂
但欲漁樵相爾汝怕人知我問來由

春晚課摘茶

玉川子後是吾生自課園中拾晚榮攬雨金芒排世好
飽春香瓣見天成不煩鉦鼓騰山噉贖有旗鎗戰酒兵
鳳舞賜團今絕想只憑苦硬養幽清

次韻梅山弟感時

翳日腥雲瀕洞塵是雖天做亦由人難禁老淚如囚楚
忍託空言寫過秦風雪正培陽氣脈山林幸有歲寒身
功名已付無何有要及餘光耕富春

三月二十五日釀飲於西峯寺分韻得因字

牢穿不借踏青晨信與林泉有夙因忙裏偶成真率會
醉來不省亂離身歸途西嶺何妨晚吹雨南風正送春

不堂文集卷十五

七

燒筍煮茶須再到一山古意要詩人

次韻董聲可重五

人事俄隨世事殊尙存榴艾伴嘻嘻呼懷沙到處哀新鬼
瑞市何時見醉夫榮賜休思當暑葛早衰空感望秋蒲
辟兵禁惡口兒戲無計能逃急急符

次韻弟觀喜雨二首

天敕龍瓢到底傾阿香飛駕會蒼冥風霆震疊四溟立
宇宙清涼萬物醒行蟻知幾先畏溼升蝸向上漫遺腥
平生霖雨蒼生志對景空懷海上亭

世事紛紛付渺茫且迎雨信看農忙鳩聲隔樹宿雲溼

牛影落田新水涼處處叢祠羣卜稼家家蓐食早炊糧
及時種得苗青活便覺秋風飯粒香

感時二首

國事如今到底輸九天難叩哭窮途精忠無一郭中令
異志居多劉寄奴經哨地空如大漠逃生山險甚飛狐
回頭鐘鼎王侯宅今是誰人便參芻
一點忠忱無處輸與滔滔者走危途新聲感泣尙書客
破鏡傳盟公主奴流散莫非中澤雁死亡誰是首邱狐
平生師友多黃土吞哭何曾奠東蜀

六月六日倪魯菴坐雨

本堂文集卷十五

八

山外黃塵不到門南風松竹翠紛紛暗中有虎村嗥合
夜半聞雞老睡分帶得兒來同坐雨飛歸家去欲排雲
收書忽報今朝喜病女加餐藥奏勳

九月十日醮飲丹山

舉頭又是菊花天走遍山林命苟全忍賦庚寅傷亂世
漫書甲子記流年陶籬一醉虛拋久蕭寺重遊夢覺然
今是何時成此會教人平地說神仙

次韻賦南山廣莫軒

洗眼來看廣莫詩煙霏空翠雨微微四平地上一山起
獨拄天南羣望歸喬木不隨兵燹動好雲時入寺門飛

乾坤浩蕩難言處猛拍闌干闕口機

本堂文集卷十五

九

本堂先生文集卷之十五終

本堂先生文集卷之十六

詩七言律四十首

次韻梅山弟詠梅

冬塞方嚴春自通老根芳脈與天融清於仙李月梁上
瘦似神蘇雪窖中庾嶺依然開信早孤山無復課詩工
一枝在手驛風遠渺渺予懷誰與同踏合不果嘗淋
雪中偶成

本堂文集卷十六

次韻弟觀雪中二首

翦耳嚴風利似刀吹噓滕六做功勞大包天地爲一色
老盡山林無二毛惜煖尙能賒淥蟻禦寒終不羨裘羔
天涯多少窮途客欲寄書難雁影高

萬里長天一樣雲紛紛吹下玉成塵能令下界皆稱瑞
誰謂南人不識真積凍已多爲麥地培湯更辨百花春
強將光景寬衰老呵手微吟意欠新

送江瑤與人

玉瑤分自海仙匳藜腹新來約束嚴入手頗憂窮鬼捩
收涎已絕老饕饜何妨帶甲歸庖慣相與調珍助齒甜

要識淡中滋味永多加椒酒少施鹽

正月四日到張車偶成

晴行半日到張車石路崎嶇趁水斜一窟山中成草市
數株松下見梅花居民盡老他無事就土爲生自有涯
誰料如今同沸鼎不時飛馬漲塵沙

正月五日訪王章軒知府

名概

東塢真詔道中

晴光欲雪做新元訪舊西來第一番十五里行千曲路
兩三處見數家邨山培浮土爲田肉澗東湍流有石痕
安穩不知危世事更從何處覓桃源

次韻董伯和燈夕有感二首

本堂文集卷十六

二

萬鐙無復豔端門一簇星毬里域春羌調悲酸吹笛社
邨聲祥瑞賣餉人鬼神亦要民心樂山谷聊舒世態顰
最好今宵天上月安知時事有陳新
數枝鐙火古祠門妝點山中一閨春俚語爲求蠶麥福
隊遊多是布荊人強隨戲鼓看狂舞忍聽嘶輦入小顰
見說九街羅綺地傳呼禁夜令方新

次韻董三餘

名元龍

約賞月丹瑞香

土氣生自神

老仙平日鍊心丹荏苒光陰百歲閒隨分種花供冷眼
逢人留酒有溫顏乾坤只作醒中夢風月何妨忙處閒
有約酬春爭起舞要看北道破先慳

二月二十五日醉吟

午酒三杯率處真不知門外有風塵溪山花木一簾影
兄弟妻孥滿屋春萬事到頭皆有命兩閒立腳要求仁
羲皇以上已難問且做淵明左右人

次韻梅山弟感春

老來危迹感秋蓬萬事都歸馬耳風百五節爲春好處
兩三年在亂離中濺花難禁少陵淚縛柳休辭韓子窮
最是殘燈風雨夜杜鵑聲裏夢西東

用前韻記夢中所感

風引歸舟遠翠蓬轉頭三見柳花風傷心殆盡王摩詰
痛哭真成賈大中尚有鬼神知夜問誰知兄弟坐天窮
此時此意無人會放讀離騷太乙東

上巳日同弟觀張子開會內弟貝端甫家

邨環十里卽朱陳時節過從氣誼真酒味同甘山脈水
韭香一洗俗饜塵雲南近日偶無事天下幾人知此春
相對無言無盡意不將桃李著精神

三月五日過雲南竺湘家舊寓南軒懷朝兒

憶昨攜兒寄小軒兒今何在小軒存喚爹若有褰裳語
戀母猶多淚席痕兩樹桃花飛痛血一山松影護遊魂
銷凝良久忽如見我與同歸家處邨

山人送檜植於當門偶成

山人知我歲寒情十里移來老眼醒鑿破蒼苔方丈地
種爲門戶四時青春寒亦自雪霜意世變從他風雨腥
牢立本根須暢茂不施巧結看真形

戊寅三月十一日爲桑麥說苦

一年景象在春光底事今年春反常四十日來無點雨
二三月裏卻多霜麥苗病燥飯虧料桑葉死寒蠶絕糧
天下蒼生不堪命但看人事卽陰陽

脾疼大作

夜來宿痼起心脾輾轉無眠不自支水鳥信天那得飽
河魚作祟卻乘飢苦無藥力課神效爛煮菜根爲善醫
造物怕生安樂病時將疼痛玉吾衰

昨方爲桑麥說苦今日忽喜得雨

連日南風雨不成今朝忽有洗檐聲春膏喚起地元氣
仁脈流行天本情桑婦驚傳二葉迸田翁癡望兩歧生
窮閭繫命皆蠶麥最是難供急急征

聞杜鵑

帝魂舊話是耶非知得安危動處幾自出蜀嘍隨地氣
直過洛去洩天機春風萬古此心在雲樹千山何日歸
聽到如今轉難聽恨無雙翼與俱飛

與弟觀姪津哭伯求弟道茅山泊東林寺坐兩
西來本自趁晴天雨臥東林日似年百念已成沈水石
一行眞坐逆灘船何妨華鄂添詩集暫與闍黎結飯緣
決意明朝向東去山堂未到已潸然

題雪竇西麓菴

踏遍山南紫翠關轉西尋麓更幽閒菊花數本竹邊路
茅屋幾閒溪外山巧著軒窗隨上下賸留書畫在中閒
是菴信美非吾土自有菟裘足往還

同黃東發提舉遊杖錫山

慈溪人
名震

十八盤頭翠碧函參差檐棟倚巖巔桑根已換如來座
峯頂猶存太白巖地有粟泥堪當飯山無松木獨宜杉
半天圖畫風塵外我有新題居士銜

次韻前人食素餛飩

庖手餛飩匪一朝饌素多品此爲高薄施豆臠佐皮輓
省口椒香防乳消湯餅麤堪相伯仲肉包那敢奏功勞
還方謹勿傳方去要使安貧無妄饗

杖錫山別前人

結約登臨百里深流連風雨一窗陰新寒鐙火照清夢
絕靜山林生古音此日與君相別處有天知我不言心
歸途步步須回首蒼壁擎雲幾萬尋

次韻前人取別二首

初心高處欲窮遊兀坐書窗七月秋風雨已成貧甫嘆
山雲卻爲老韓收從來人事有圓缺可是天公分去留
正爾無聊負暄立赤書忽落剡溪頭
雲旆吹晴踏翠巔寫成詩卷思翻然誰知同賦有齊已
人指醉吟爲樂天意自源頭水中湧語如山色雨餘鮮
尾貂分付歸鴻去欲便尋盟未有緣

黃子羽山長爲不及同山行次余東發別余韻見
寄因再用韻以謝二首

文脈絲垂感慨深奎躔今直鄮山陰末流自逐狂瀾倒
獨步直成空谷音四海園林春事裏一家松竹歲寒心
相知不必長相見明月春風處處尋

憶昨追隨太史遊欠招吟腳共評秋自憐蒲柳難禁老
君向桑榆盡可收人物多從危世見山林盡有好詩留
和篇忽轉雲南去便當同行雲上頭
十月二十四日過弟觀寓所出萊蕪相款

趁溪茅舍竹籬陰石徑如蛇屈曲深吏卒不行烟冷處
弟兄聊說歲寒心牀頭無酒可歸算窗外有雞留伴吟
過午忽修萊蕪供悠長滋味在山林

次韻剡張知錄名見寄

危途盍把隱爲師名姓翻嫌世或知栗里已成終老計
桐鄉猶記舊遊時雲山杳杳勤搜搜便風雨瀟瀟獨寄詩
目送心期無別語厚培根本做春枝

留范景山

滿天風雨作新正下訪勞君一日程長揖不交隨俗禮
苦言惟有隔年情鑿生暈處醒相對犬吠聲中心自驚
人事難齊時事險聚頭時節且遲行

遊蔡峯過黃沙阮懷朝兒

入谷崎嶇十里程更崎嶇處見沙阮幼兒曾寄流鴻影
老我難忘舐犢情後日早知爲死別當時寸步亦同行
如今但有東風淚洒入流泉慟失聲

本堂文集卷十六

七

溪上隩

滿坡翠竹閒梅花梅竹中間住幾家本爲牛羊安著腳
近來狼虎肆磨牙青山綠水成烹鼎白紙烏薪等撒沙
邂逅老農聊慰勞且隨時刻做生涯

蔡峯似徐鱗卿

名攀龍

老去襟懷得喪齊東風吹煖送行藜羣山捧谷雲居下
一嶺分疆水向西有路不來多事馬滿邨交唱太平雞
主人九十清談健樽酒流連日又低

兩崖削鐵上擎空下有靈潭與井同龍出世時磐石透
水無底處洞天通餘波噴作雷霆怒大旱騰爲霖雨功
兄弟相攜看奇迹脚跟牢立嶮巖中

董伯和竹溪寓居

三井西邊十畝坡與雲磐礪傲羲娥危時自說昇平話
險地今爲安樂窩魚鼈收溪供草酌竹松臨戶當花窠
故園臺榭姑蘇問萬事從來蟻一柯

次韻徐鱗卿

百罹身世不成家贏得蕭蕭兩鬢華夢想山行三載裏
綢繆親誼百年賒蒼顏一見如枯柏佳語相延總粲花
別後有詩須狎寄莫嫌踏險路谿衍

本堂文集卷十六

八

九月十日鄉人醪飲丹山分韻得東字

山光肅肅淨杉松草草提攜里曲同不是休官住林下
無緣問菊到籬東世途險迫閒爲福鄉誼綢繆醪有功
酒散月明多感處牛山故國正西風

示都兒學書

都子方知硯石親字雖小技盍留神魯公米帖猶存古
王氏蘭亭已失真莫事鋒鋷多巧銳要令骨肉兩停勻
中心端正手圓活此外無方可教人

本堂先生文集卷之十六終

